

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
UPRAVNI ODBOR
JU ODGOJNI CENTAR TK**

Broj: 01- 679-1/22

Datum: 30.08.2022 godine

Na osnovu odredaba člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/03, 34/03 i 65/13) i člana 12. Zakona o osnivanju Javne ustanove Odgojni centar Tuzlanskog kantona („Službene novine Tuzlanskog kantona“, br. 05/09, 15/13, 08/15 i 10/18), a u skladu sa tačkom III stav Odluke o utvrđivanju uslova i kriterija za imenovanje u regulirane organe ("Sl. novine Tuzlanskog kantona, broj 9/03, 12/03, 7/09, 4/10, 10/10, 14/11, 1/12, 6/12, 8/14 i 14/15), članom 36. Pravila JU Odgojni centar Tuzlanskog kantona, broj: 01-853/18 od 17.12.2018.godine, Odluke privremenog Upravnog odbora JU Odgojni centar TK, broj: 01-679/22 od 30.08.2022.godine, raspisuje se

JAVNI KONKURS

**ZA IZBOR I IMENOVANJE DIREKTORA JAVNE USTANOVE ODGOJNI
CENTAR TUZLANSKOG KANTONA**

1. Opis pozicije direktora JU Odgojni centar Tuzlanskog kantona:

- a) organizuje i rukovodi radom Odgojnog centra,
- b) zastupa i predstavlja Odgojni centar prema trećim licima i odgovoran je za zakonitost rada Odgojnog centra,
- c) predlaže Upravnom odboru mjere za efikasno i zakonito obavljanje djelatnosti radi koje je Odgojni centar osnovan,
- d) predlaže Upravnom odboru opće akte Odgojnog centra,
- e) predlaže Upravnom odboru osnove i planove razvoja,
- f) izvršava odluke Upravnog odbora,
- g) odlučuje o pravima, obavezama i odgovornostima zaposlenika iz radnog odnosa,
- h) podnosi Upravnom odboru izvještaj o radu Odgojnog centra, kao i Izvještaj o finansijskom poslovanju Odgojnog centra,
- i) direktor je naredbodavac za izvršenje finansijskog plana i odgovoran je Upravnom odboru za rezultate rada, finansijsko poslovanje Odgojnog centra i provođenje Programa rada Odgojnog centra,
- j) odlučuje o angažovanju spoljnih saradnika u realizaciji projekata i programskih zadataka Odgojnog centra,
- k) rukovodi radom stručnog kolegija,
- l) direktan tretmanski rad sa maloljetnicima koji su smješteni u ustanovi,
- m) obustavlja od izvršenja opći akt koji je u suprotnosti sa zakonom kao i pojedinačne akte kojima se nanosi šteta Odgojnom centru, Kantonu ili drugim subjektima i o tome obavještava organ koji vrši nadzor nad zakonitošću rada Odgojnog centra,
- n) vrši i druge poslove u skladu sa zakonom i Pravilima.

Direktor Odgojnog centra se imenuje na period od četiri godine i u kontinuitetu, može biti imenovan još samo jednom na istu dužnost.

2. Opći uslovi koje kandidat mora ispunjavati:

- da je državljanin Bosne i Hercegovine,
- da je stariji od 18 godina, a ne stariji od 65 godina,
- da je zdravstveno sposoban za obavljanje poslova na koje se kandiduje,
- da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine prije dana objavljivanja upražnjene pozicije,

- da nije osuđivan za krivično djelo,
- da nije kažnjavan iz oblasti privrednog prijestupa i da mu nije izrečena zaštitna mjera zabrane vršenja poziva, djelatnosti ili dužnosti,
- da se na njega ne odnosi član IX 1. Ustava Bosne i Hercegovine,
- da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji BiH (Službene novine FBiH, broj : 70/08)

3. Pored opštih uslova kandidati moraju da ispunjavaju i sljedeće posebne uslove:

- da ima najmanje VSS, VII stepen (240 ECTS), fakultet društvenog smijera, dipl. Pravnik, dipl. Socijalni radnik, dipl. Socijalni pedagog, dipl. Pedagog-psiholog i dipl. Psiholog.
- da ima najmanje pet (5) godina radnog iskustva nakon sticanja VSS na poslovima u okviru svog zanimanja, s tim da prednost imaju kandidati sa iskustvom u radu sa maloljetnicima,
- da nema privatni finansijski interes u JU Odgojni centar TK i da nema drugih smetnji za imenovanje utvrđenih posebnim propisima,
- da nije član upravnog ili nadzornog odbora drugog reguliranog organa, a ukoliko jeste kandidat će dostaviti ovjerenu izjavu da će po konačnom imenovanju odstupiti sa pozicije u roku od sedam dana od dana imenovanja,
- da nije osuđivan za krivično djelo i da mu nije izrečena pravosudna presuda iz oblasti privrednog prijestupa i da mu nije izrečena zaštitna mjera zabrane vršenja poziva, djelatnosti ili dužnosti,
- da nisu dioničari sa 50% ili više dionica, direktor i član uprave bilo kojeg dioničkog društva, kao i vlasnik sa 50% ili više vlasništva, direktor ili član uprave bilo kojeg društva sa ograničenom odgovornošću,
- da nije direktor druge javne ustanove koja se finansira iz kantonalnog budžeta ili kantonalnog vanbudžetskog fonda, odnosno da nije predsjednik ili član školskog odbora u školama čiji je osnivač Tuzlanski kanton,
- poznavanje rada na računaru,
- da poznaje problematiku maloljetničke delinkvencije i izvršenja krivičnih sankcija, što će se utvrditi na osnovu ponuđenog programa rada i razvoja,
- poznavanje rada na računaru i
- poznavanje engleskog jezika.

4. Potrebni dokumenti koje je kandidat uz prijavu sa kraćom biografijom, adresom i kontakt telefonom, dužan priložiti u originalu ili ovjerene fotokopije dokumenata:

- a) izvod iz matične knjige rođenih,
- b) uvjerenje o državljanstvu (ne starije od 3 mjeseca),
- c) ovjerena kopija diploma ili uvjerenje o diplomiranju,
- d) potvrda/uvjerenje nadležnog organa o radnom iskustvu iz koje je vidljivo da kandidat ima najmanje pet (5) godina radnog iskustva u struci,
- e) ovjerena izjava da kandidat nije kažnjavan iz oblasti privrednog prijestupa i da mu nije izrečena zaštitna mjera zabrane vršenja poziva, djelatnosti ili dužnosti (ne starije od jednog mjeseca),
- f) ovjerena izjava da kandidat nije otpušten iz organa državne službe kao rezultat disciplinske mjere, (ne starije od jednog mjeseca),
- g) ovjerena izjava da kandidat nije osuđivan za krivično djelo, (ne starija od jednog mjeseca),
- h) ovjerena izjava da se na kandidata ne odnosi član IX 1. Ustava BiH, (ne starija od jednog mjeseca),
- i) ovjerena izjava da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji BiH, (ne starija od jednog mjeseca),
- j) ovjerena izjava da kandidat nema privatni finansijski interes u JU Odgojni centar TK (ne starija od jednog mjeseca),

- k) ovjerena izjava da kandidat nije član upravnog ili nadzornog odbora drugog reguliranog organa, a ukoliko jeste ovjerena izjava da će po konačnom imenovanju odstupiti sa te pozicije u roku od sedam dana od dana imenovanja, (ne starija od jednog mjeseca),
- l) ovjerena izjava da kandidat nije član upravnog, izvršnog ili drugog organa političke stranke,
- m) ovjerena izjava da kandidat nije dioničar sa 50% ili više dionica, direktor i član uprave bilo kojeg dioničkog društva, kao i vlasnik sa 50% ili više vlasništva, direktor ili član uprave bilo kojeg društva sa ograničenom odgovornošću,
- n) ovjerena izjava da kandidat nije direktor druge javne ustanove koja se finansira iz kantonalnog budžeta ili kantonalnog vanbudžetskog fonda, odnosno da nije predsjednik ili član školskog odbora u školama čiji je osnivač Tuzlanski kanton (ne starija od tri mjeseca),
- o) certifikat ili drugi odgovarajući dokument o poznavanju engleskog jezika,
- p) certifikat ili drugi odgovarajući dokument o poznavanju rada na računaru i
- q) plan rada i razvoja ustanove za mandatni period.

Kandidat za popunu upražnjene pozicije po ovom konkursu je obavezan da uz svoju prijavu dostavi i Program rada i razvoja Odgojnog centra za mandatni period na koji se vrši imenovanje direktora te ustanove, na osnovu koga će se cijeliti poznavanje problematike maloljetničke delikvencije i izvršenja krivičnih sankcija.

Uvjerenje o zdravstvenoj sposobnosti kandidat je dužan dostaviti kada bude konačno imenovan.

Za kandidate koji u potpunosti ispunjavaju opće i posebne uvjete, u postupku konačnog izbora uzet će se u obzir sljedeći kriteriji:

- dužina radnog iskustva na poslovima iz djelatnosti ustanove,
- veći stupanj stručne spreme srodnog zanimanja,
- komunikativna i organizatorska sposobnost,
- minimalno znanje o organizaciji i djelatnosti ustanove,
- sposobnost savjesnog i odgovornog obavljanja upražnjene pozicije,
- sposobnost nepristrasnog donošenja odluka,
- sposobnost upravljanja finansijskim i ljudskim resursima,
- naklonjenost timskom radu,
- rezultati rada tokom karijere.

Prijave sa dokumentacijom (u zatvorenoj koverti) treba dostaviti lično ili preporučenom pošiljkom u roku od 15 dana od dana posljednjeg objavljivanja konkursa na adresu:

JU Odgojni centar Tuzlanskog kantona, ulica Bosne srebrene 31, 75000 Tuzla, sa naznakom „Prijava na konkurs za izbor Direktora JU Odgojni centar Tuzlanskog kantona- ne otvarati“.

Nepotpune i neblagovremene prijave neće se uzeti u razmatranje.

Konkurs će biti objavljen u „Službenim novinama Federacije BiH“, dnevnom listu „Oslobođenje“ i web stranici JU Odgojni centar TK. Kandidati koji uđu u uži izbor bit će pozvani na intervju.

**PREDSJENIK
PRIVREMENOG UPRAVNOG ODBORA**

Avdo Memić



